

退

補

齋

詩

存

退補齋詩存目錄

卷十二

今體詩

題隨園圖應袁竹畦參軍

三首

上元日遇雪竹莊廉訪招飲賦詩誌謝

和朱久香學使對雪偶成原韻

得癡字原詩三十首今存二十四首

竹莊廉訪對客揮毫走筆如飛卽疊前韻奉贈

旅況感懷三疊前韻柬何小宋方伯

竹莊廉訪愛花卉四疊前韻贈之

上元後一日思家五疊前韻

馬雨農學士卸學政篆主講敬敷書院六疊前韻  
贈之

胞從兄弟十三人今存者祇六人矣兩遭兵燹家  
境蕭然八疊前韻誌慨

東應敏齋觀察九疊前韻

為竹溪家兄援例授官十疊前韻東何小宋方伯  
吳竹莊廉訪

季荃觀察所統舊部開字營調皖防守十一疊前

韻

季荃出令郎試帖詩見示十二疊前韻

與竹莊廉訪各言家事彼此同情十三疊前韻

客中自勉十四疊前韻

王少巖總理皖省糧臺十六疊前韻贈之

和乞花東朱久香學使十七疊前韻

和種花十八疊前韻

再和乞花種花東何小宋方伯十九二十疊前韻

東陳心泉觀察二十一疊前韻

客感東王峯臣軍門二十二疊前韻

謝恬生繪山水冊頁二十四疊前韻

贈小宋方伯二十五疊前韻

慰農由江西抵皖回里二十八疊前韻誌別

贈袁竹畦參軍二十九疊前韻

次李季荃觀察攻克蘇常雪夜破賊壘五十餘座

馬上賦詩示諸將原韻

再疊賊圍常昭賴夫人督守城池原韻

和季荃己未避亂常州白龍庵內讀書赴浙鄉試

原韻

再疊季荃重到白龍庵原韻

三疊季荃重建白龍庵告成原韻

和李恕皆觀察感懷見贈原韻 二首

自感再疊前韻柬恕皆觀察 二首

清明遇雨

清明日思家仍疊前韻

贈小宋方伯用久香學使按試廬州原韻

退補齋詩存卷十二

今體詩

永康胡鳳丹月樵

題隨園圖應袁竹畦

起參軍

一亭一榭一臺池  
綠淨軒中廿四詩  
太息紅羊遭浩劫  
幾多華屋少人知

白下當年戰鼓催  
滿山猿鶴有餘哀  
孝陵松柏今何在  
豈獨園林賸劫灰

傳家舊學裕孫謀  
幸有詩篇手澤留  
莫向滄桑增百感  
文章政事已千秋

上元日遇雪竹莊廉訪招飲賦詩誌謝

宿雨將晴天又雪蒙頭擁被卧袁安來鴻迢遞傳書急

策馬泥塗行路難四座賓朋潛虎豹幕中多材藝士文章詩畫各擅所長

一門師弟慶鸛鸞丁恬生觀察戴芝亭協戎皆門下士纔知調鼎和羹手

莫作尋常異味看自製黃魚款客

和朱久香蘭學使對雪偶成原韻

春宵雨雪起偏遲冷卧袁安一榻支柳絮飛來梅影淡

青山老去白頭癡千軍擐甲平吳日孤客乘舟訪戴時

太息中原烽火熾衝寒未息羽書馳



竹莊廉訪對客揮毫走筆如飛卽疊前韻奉贈  
豪吟翻笑八义遲百斛千鈞筆力支龍領探驪隨口出  
駑駘附驥太心癡平生不作欺人語一日難忘見面時  
新雨相逢如舊雨勞勞車馬悵分馳

旅況感懷三疊前韻柬何小宋方伯

燕巢戀舊去遲遲分我廉泉歲月支

方伯每月過客如分俸相贈

鴻留爪印傍花有蝶總情癡西窗翦燭邀連夕東閣吟  
梅問幾時逆旅光陰三百六南船北馬枉勞馳

竹莊廉訪愛花卉四疊前韻贈之

春寒花信較開遲此老婆娑樂不支餐菊竟成陶令癖  
詠蓮莫笑謝公癡蘭堪作友憐同臭梅許為妻聘幾時  
詩國便從香國啓吟箋往復逐飈馳

上元後一日思家五疊前韻

行囊羞澀計歸遲湖海遨遊強自支逆旅無聊隨聚散  
家翁有術慣蠶癡感懷親友離羣久夢想兒孫上學時  
辜負鄉關今夜月家家爭看篠驂馳

馬雨農學士

恩溥

卸學政篆主講敬敷書院六疊

前韻贈之

八代衰頹起未遲如椽大筆力能支文扛百斛知名早  
厦庇千間結願癡比戶絃歌風近古盈門桃李雨逢時  
人才自昔推江左回首星軺幾度馳

胞從兄弟十三人今存者祇六人矣兩遭兵燹家

境蕭然八疊前韻誌慨

修德空教食報遲遺留祖澤各分支年無可假催人老  
魂不能招歎我癡分手一門離散日愴懷羣季死忠時  
諸弟死難者五人錢塘潮信朝兼暮遠盼平安竹報馳

東應敏齋觀察

寶時

九疊前韻

時敏齋署蘇松太道篆

驛使梅花問訊遲江南韶景燦金支吳中得歲民無恙  
夢裏尋君我欲癡雅量澄于黃叔度鴻名噪似鄭當時  
殷勤寄語加餐飯可有回書馬上馳

為竹溪家兄援例授官十疊前韻東何小宋方伯  
吳竹莊廉訪

連床風雨悵歸遲棟萼荆花本一支暖幸成裘仍腋集  
貧甘擊柝莫心癡蒙二公分廉伙助官同雞肋堪尋味粧學蛾  
眉要入時憐我陟岡瞻望切韶華莫放隙駒馳

季荃觀察所統舊部開字營調皖防守十一疊前

韻

行軍宜速戰宜遲秣馬芻糧裕度支真是英雄能本色

不貪富貴豈為癡

簡放甘涼道奏開缺

鼎鐘泐績吳山上

克復蘇常

各郡裘帶觀兵皖水時江左夷吾今復見漫思湖畔買驢

馳

李荃出令郎試帖詩見示十二疊前韻

篇篇錦繡勝邱遲步武青蓮是本支月證前身修福慧  
天生英物絕嬌癡始知庭覆三槐陰想見詩成七步時  
千里家駒名不媿風雲指日軼塵馳

與竹莊廉訪各言家事彼此同情十三疊前韻

同憐雙鬢未衰遲大厦猶思一木支要識居貧安且吉

那知涉世黠勝癡痛心棟宇招魂日

君三四兩胞弟余六七兩胞弟為

國捐軀

回首烽烟墮淚時等是有家歸未得為官為客兩

分馳

客中自勉十四疊前韻

舉酒澆愁得句遲枯腸搜索恐離支人生富貴幻中幻  
世態炎涼癡復癡去日輒思來日好順風當慮逆風時  
桑榆未晚須加勉莫使蹉跎歲月馳

王少巖

延長

總理皖省糧臺十六疊前韻贈之

運籌帷幄豈容遲為幹為楨廣厦支財本儻來偏獨累  
物歸阿堵惹人癡幾同道濟量沙日又見文淵聚米時  
簿領餘閒操勝算羽書迢遞驛中馳

和乞花東朱久香學使十七疊前韻

留得春陰故故遲閒庭風月可分支海棠無主容梅聘  
蝴蝶多情共我癡睡醒淡雲微雨日影移粗服亂頭時  
出牆料得春如海未叩柴扉意已馳

和種花十八疊前韻

羣芳莫訝買春遲待到花朝喜不支趁月揮鋤蟾影瘦  
尋香繞砌蝶情癡門多桃李栽培久室有芝蘭灌溉時  
聽說星軺移使節駢駢四牡更驅馳

時將按  
試廬州

再和乞花種花東何小宋方伯十九二十疊前韻  
賞春轉覺餞春遲月季長開十二支訪豔渾如求友樂  
尋芳更比借書癡羅浮客惹探梅夢深巷聲憐賣杏時  
最羨蘭陔承美蔭寸心不用嶺南馳

萬間廣廈許棲遲香度薇垣樂不支盡入藥籠推品妙  
慣栽棘樹笑人癡東風巧試分春手明月剛逢息影時



八百孤寒待培植皇華緩緩賦驅馳赴楚尚無行期

東陳心泉濟觀察二十一疊前韻

追溯淵源覲面遲虞公一脈未分支陳胡無二姓皆驛陳胡公後也

騶開路程先穩蛺蝶穿花夢亦癡仲舉招賢留榻日龍

川立說著書時客愁萬斛銷難盡媿我蹉跎日月馳

客感東王峯臣可陞軍門二十二疊前韻

讀書已悔十年遲作客無聊短策支懶散都從駒隙過

功名敢說虎頭癡鯨鯢浪靜澄清日鵝鸛聲銷整暇時

八皖肅清兵事息羽書楚北又交馳時檢匪窺楚北陷黃陂等邑

藏板

謝恬生繪山水冊頁二十四疊前韻

圖畫何嫌落墨遲一邱一壑細分支毫端風雨推摩詰  
紙上煙雲學大癡投筆從戎懷曩日披箋染翰喜今時  
皖江防守安磐石無復軍書絡繹馳統領團防營  
鎮守皖垣

贈小宋方伯二十五疊前韻

蓼蓼衙鼓漏聲遲鶴俸無餘孰借支酬世不知家計累  
銷愁惟有酒情癡簿書稿判三更後夢筆花生五色時  
夜半公暇  
始能和詩  
皖毗連探  
報不絕連日鄰封相告急郵籤絡繹楚天馳擒匪窺  
楚北與

慰農由江西抵皖回里二十八疊前韻誌別

章江買棹去來遲雨雨風風力不支皖國湖山歸有主

蘇隄花柳望成癡回看桃李成陰日

守杭府時建東城講舍局門課士獎

拔人祇賸琴書滿載時作客無聊兼送客蒲帆十幅去

如馳

贈袁竹畦起參軍二十九疊前韻

韶光莫怨夕陽遲矍鑠精神杖不支

竹畦隨園太史之孫今年七十四矣

作宦何嫌微祿薄吟詩應笑半生癡年高洛社耆英會

班列衙官屈宋時盥誦新安消夏草才名早共使星馳

新安消夏草一卷與邵  
卞生學使唱和之作

次李季荃觀察攻克蘇常雪夜破賊壘五十餘座  
馬上賦詩示諸將原韻

奇謀預定復南征戰壘譁聞鵠鶴聲雪沒馬蹄銷浩劫  
民逃虎口慶餘生聯營迅掃元戎畧萬姓歡呼上將名  
捷報紛馳平蔡日鯨鯢殲盡海波清

再疊賊圍常昭賴夫人督守城池原韻

同仇伉儷助專征環珮聲兼鼓角聲燕頤功勳頻奏捷  
蛾眉韜畧慶全生絕兒女態英雄膽爭丈夫功巾幗名

詩咏小戎最風雅聰明還比雪冰清

夫人守城時和詩寄慰觀察

和季荃己未避亂常州白龍庵內讀書赴浙鄉試

### 原韻

夢筆花開藻思通青蓮避地溯江東  
蝸居曾託書生跡豹隱誰知命世雄  
久欲奮身伸屈蠖何愁點額不登龍  
吟聲纔斷鐘聲續佛火殘宵七寶籠

### 再疊季荃重到白龍庵原韻

荊棘初芟徑漸通寺門誰辨屋西東  
重游不改書生態今日方知畧雄佛  
頂生光銷劍戟天心悔禍變魚龍

枌檀樹下曾留詠可有輕紗壁上籠

三疊季荃重建白龍庵告成原韻

石室灣環曲徑通禪棲忽現古城東  
白蓮再種參元妙紺宇重開禮大雄  
居士無緣悲化鶴書生有術抵降龍  
衆香國裏培因果繚繞煙雲四壁籠

和李恕皆觀察感懷見贈原韻

寒梅初放挂帆時轉瞬春風到柳枝  
遙憶治書常秉燭未能投筆懶臨池  
養花微雨輕如膏出岫閒雲淡似炊  
忽喜飛鴻傳妙翰知君擊鉢屢催詩

太白詩人第一流豪吟把酒月當頭囊空那更因官累  
宰奉天時因官賠累詩苦應難寫客憂翻為知途輕老馬已看批  
卻少全牛行藏為我紆籌策觀火誰知亦拙謀

自感再疊前韻東恕皆觀察

轉蓬不定負年時到處依棲鳥戀枝求友自同鶯覩睨  
營巢翻笑燕差池有歌且學巴人和無米難教巧婦炊  
終日抄書消客况編詩祇少謫仙詩  
去秋疊和五古巢抄成帙惟君首唱之作尚未抄來

太息韶華似水流無端塵事到心頭客游還憶家山好

詩林彙編卷十二

藏板

身累緣擔兒女憂自笑閒蹤如野鶴何妨小住結蝸牛  
離筵待餞春三月買棹當為泛宅謀

時將由皖赴楚

清明遇雨

恩恩寒食又清明風雨天涯感客情芳草旋添沽酒路  
小橋欲斷踏莎行棠梨黯淡臨風影杜宇淒涼叫月聲  
千里思家歸未得徒澆杯酒寄平生

清明日思家仍疊前韻

喔喔荒雞感晦明他鄉難遣故鄉情驚看碧柳當門插  
愁說青山載酒行萬井新烟開曙色千家野祭咽哀聲



獨余先壟疎親奠遙憶松楸百感生

贈小宋方伯用久香學使按試廬州原韻

共愛甘棠戀舊陰  
嶽雲膚寸自成霖  
衣披錦繡持新節  
家隔羅浮夢遠岑  
十事已堪酬諫草  
四知從此愧懷金

君清廉率屬貧  
如在京洛時  
頻聞江漢思膏澤  
車馬何時賦載駸  
北楚  
士民望  
君如歲

退補齋詩存目錄

卷十三

今體詩

鄂中送王鶴樵觀察之秦

贈張鹿仙觀察

監利王子壽比部寄漆室吟及樞言等書即用見  
贈原韻答之

再疊前韻贈子壽

和子壽贈小園賞花詩三疊前韻

建補齊詩存目錄卷十三  
一  
藏板

東皖中丁恬生觀察 贈王夢崧觀察疊前韻

花園山九日登高同行者李玉階王夢崧何芷舠

楊笠生諸觀察

丁卯冬月初六日三兒宗荆生喜賦 六首

輓寧遠楊笠生觀察 四首

戊辰正月二十四日四兒宗楚生 三首

次張鹿仙觀察用伍嵩生太史原韻 原詩十首今存其八

十九日偕鹿仙玉階招嵩生小飲卽席三疊前韻

贈之

贈何白英觀察四疊前韻

二十日約嵩生鹿仙次日游晴川閣夜聞雨聲恐  
不果往五疊前韻

二十一日天氣新晴偕嵩生鹿仙游晴川閣畢陳  
仲耦太守招飲六疊前韻

偕嵩生白英鹿仙三君游長春觀七疊前韻

游卓刀泉懷古九疊前韻

送伍嵩生太史之金陵十疊前韻

送徐鑑塘廣文親家回里 二首

雁字 四首

端陽悶雨贈鹿仙

劉幹臣軍門寓書並寵以詩依韻奉答

幹臣統領忠義全軍紀律嚴明再疊前韻奉贈

讀幹臣梅花詩鈔三疊前韻

重修正覺寺幹臣允捐金以成善舉四疊前韻

題王樂山明府暨理齋貳尹忠孝錄 四首

咏物雜感十二首

木筆 紫薇 湘蘭 藤蘿  
梧桐 桂花 冬青 古柏

芭蕉 海棠  
池荷 新竹

次金眉生都轉見贈原韻即席答賦 二首

贈何白英再疊前韻 二首

贈金眉生三疊前韻并柬白英鹿仙 二首

眉生時將東歸四疊前韻贈別 二首

退補齋詩存卷十三

今體詩

永康胡鳳丹月樵

鄂中送王鶴樵

嵩齡

觀察之秦

皖江回首憶瞻荆促膝談心倍有情蓮幕飽看花十載

從彭宮保幕中

久萍蹤同證石三生書從得間窺真諦話到投

機見至誠一領征袍猶未卸皇皇奉

詔壯西行

快

楊宮保奏調

贈張鹿仙

炳堃

觀察

五月七日

申江小住結苔岑翦燭西窗夜話深  
霉雨飄零游子淚

薰風噓拂故人心一身仙骨清於玉半曲梅花戛似金  
願着先鞭追祖逖馳驅四牡咏駸駸

監利王子壽

柏心

比部寄漆室吟及樞言等書即

用見贈原韻答之

一枝夢筆競生花圓比珠璣燦比霞叔重宏才賅博雅  
淵明高格謝繁華詩成漆室吟囊富序製晴川淡墨斜  
晴川閣告成君作序文以識之遲我識荆今更健十年前已令名加咸豐  
初赴都供職已聞君名

再疊前韻贈子壽



一雙老眼信無花漫詡當筵賦落霞祇欲循名求責實

羌無踵事漫增華籌添鶴髮金萱茂太夫人年逾九旬春到螺

鬟碧柳斜螺山隱居學富伏生才富史勸君餐飯且勤加

### 和子壽贈小園賞花詩三疊前韻

地行仙會賞秋花日前君與何丈小園賞菊君年六十有九雲咳丈年七十有六點玉

浮金醉泛霞座上耆英推洛社殿中人物是金華雄詞

倒峽源彌壯勝侶飛觴月正斜我向南豐伸拜祝臨風

惟有瓣香加

### 東皖中丁恬生峻觀察

雄才磊落本非凡  
粲粲高冠翠羽銜  
雲可為霖初出岫  
風當遇順好開帆  
韜鈴萬卷材無敵  
總理團防營務處  
荆棘千山蔓未芟  
遲容江干天欲暮  
小巫書向大巫緘

贈王夢崧

熙細

觀察壘前韻

久典樞曹志不凡  
新披易繡換頭銜

兵曹供職同部六年

我甘伏

櫪頻迷路君本同舟  
早挂帆純菜懷鄉勞軫結蓬蒿掩  
徑嬾鋤芟殷勤記否當年別  
多少音書帶淚緘

花園山九日登高同行者李玉階王夢崧何芷舠

楊笠生諸觀察

風風雨雨又重陽  
萍水因緣話異鄉  
誰奮魯戈留去日  
陡驚潘鬢綴新霜  
江流東去難淘恨  
秋色西來易病狂  
結伴登高豁吟眺  
花園山畔菊初黃

丁卯冬月初六日三兒宗荆生喜賦

蘭芷芊芊綠滿庭  
生兒何敢詡甯馨  
回頭已近無聞日

十五年來添一丁

次兒生後已十五年

疊中副車第七科  
忽登乙榜喜如何  
人心大約都相似  
不厭兒多厭女多

占得犧經艮一爻  
喃喃新燕又來巢  
愛憐少子尋常事

舐犢何妨自解嘲

莫笑枯楊長綠穉漫從繞膝判高低棣華本是同根樹

肯負前妻慰後妻

前鄭氏生二子今宋氏生一子

崢嶸頭角楚中生初度三朝始命名見說山川能毓秀

排行肇錫曰宗荆

家乘均以宗字排行

卯月卯時兼卯年量圭測影晷無偏誰知笏節承恩日

恰是豚兒墮地先

是日卯時王夔石廉訪接篆何小宋方伯賀余云當夔石拜印之時適麟

趾呈祥之日可為此子預賀

輓甯遠楊笠生

僊珍觀察

記從鄂渚快班荆磊落襟期邁衆英清白半生延世澤  
循良兩字重臺評駉驢蛩倚新形影松竹梅聯古性情  
三載同舟期共濟長君一日愧稱兄

昂藏七尺狀魁梧塊壘澆胸酒百壺

君狀貌豐偉尤豪於酒

涓滴

何曾歸篋笥寬容不肯較錙銖徐公座上清談永羊子  
山頭別淚濡漢碣秦碑俱搨遍有誰博雅似君無

君嗜古碑

帖尤工書隸

霽月光風我所師素心晨夕寫相思持籌願展飛芻策

君與余同辦牙釐總局事

刻燭還成絕妙詞

同人唱和迅筆成章

退鷁飛遲題

塔路

鄉關屢薦未售由廩貢捐授道員

靈鰲駕促試燈時

戊辰正月十三日仙逝

長教泉下留遺憾未報南豐一日知

君荷曾宮保知遇甚厚

逝水年華四十三無端鶴馭迅飛驂簞簿鄉淚彈湘水

楊柳春愁繫漢南繼述一經推小阮

以姪宗僑承桃

趨承千里

是奇男

君彌留時適令姪吉人農部由甯遠赴都會試過鄂

返魂何處尋靈藥空

對青青雪後嵐

戊辰正月二十四日四兒宗楚生

侵晨喜報鵲聲諳一紙佳音達漢南

是日余宿漢皋次日得兒生信

獨

向百花頭上茁官梅閣下草宜男

去年蘭夢協休祥

三兒於去年冬月生

棠棣同根色競香未了个

生兒女債課書課織一齊忙

生兒莫要忒聰明大半聰明誤此生愧我讀書艱一第  
盼他跨竈博功名

次張鹿仙

炳堃

觀察用伍嵩生

肇齡

太史原韻

知己相逢溯丁未

京外僚舊惟丁未科最多

由來八座屬文昌池塘

春草吟詞苑

君與令兄海門侍講前後入翰林

鱗甲秋風墮戰場余南

試十次不售

烽火心驚秦隴上鄉關信杳聖湖旁

北省軍情近無確耗

浮雲富貴非吾願故態依然似昔狂

山不列書卷一  
五  
藏板

十九日偕鹿仙玉階招嵩生小飲卽席三疊前韻

贈之

愧乏嘉穀款嘉客相逢氣象見光昌夜深醉月藤蘿架

年少登雲翰墨場丁未入詞林者君年最少錦水遥環珂里曲君歸蜀十

乃六年香煙夙侍玉皇旁獨留佳話傳丁未舊雨新知喜

欲狂

贈何白英觀察四疊前韻

黻佩聲華桑梓誼薇紅柏綠競蕃昌同鄉王耕娛方伯鄭譜香廉訪君與

余及鹿仙觀察寓公泛宅經三載余自丙寅來鄂今三年矣老將登

在楚者共五人



壇又一場

君由京察出守襄陽旋告終養十餘年乃出

立業今期麟閣上論

交昔侍鯉庭旁

與哲嗣子白交最久

泰山北斗名同仰樽酒談心

恕我狂

二十日約嵩生鹿仙次日游晴川閣夜聞雨聲恐

不果往五疊前韻

傑閣凌霄高百尺左縈南岳右南昌江山訪古胸千載

風雨愁人夢一場兩字殘碑雲路側

黃鶴樓有雲路碑相傳曹孟德書

半堤芳草月湖旁登臨好待天開霽童冠偕游許點狂

二十一日天氣新晴偕嵩生鹿仙游晴川閣畢陳

仲耦太守招飲六疊前韻

今日無風復無雨晴明景物兆繁昌鳳凰山抱臨江堞

漢陽郡署後有鳳凰山山畔城垣周匝鸚鵡洲開鬪草場柳色低迴湖水

曲由月湖堤渡漢茶香新擷洞庭旁鹿仙觀察出君山茶共飲季方才濟元

方美低首相逢不敢狂謂陳伯雙仲耦昆仲

偕嵩生白英鹿仙三君游長春觀七疊前韻

證果偶來清淨地紫薇光照道遐昌龕供紫微上帝輭塵十里

遊仙路舊夢三生選佛場嵩生鹿仙白英各由科甲通籍今忽忽數十年矣夜

雨重泉千樹杪夕陽遺壘萬山旁洪山為近年駐軍處遺壘猶存閒官

無事貪行樂不厭詩狂與酒狂

游卓刀泉懷古九疊前韻

堂堂廟貌千秋肅捧日忠扶漢業昌天險崎嶇吳蜀界  
地靈呵護甲兵場嘶風馬渴奔泉側偃月刀寒卓道旁  
一勺清泠憑弔古沁脾為我助詩狂

送伍嵩生太史之金陵十疊前韻

從來人物推西蜀學術高於楊仲昌容我豬肝供旅館  
讓君牛耳執詩場蘭橈翠擁吳山上柳眼青垂漢水旁  
醉拍銅琶唱東去一帆風送謫仙狂

送徐鑑塘

汝銓

廣文親家回里

平生臭味兩相投，文陣爭雄據上游。  
萍水蹤浮雙履齒，

藥籠秀擢百花頭。

安陸荆州漢陽等屬聘閱試卷得士甚多

楚吳夢隔三千

里，秦晉歡聯廿六秋。

兩地聯姻今已二十六年

來在春前，逐春去落

梅，五月不勝愁。

君於客臘來鄂五月歸浙

紫藤花接碧梧陰，半載連襟又判襟。  
東海乘槎天際影，

君於二十九日航海而歸

西窗翦燭客中心。盤餐首藉官非冷，室入

芝蘭味最深。黃鶴樓頭留後約，何時把酒漢江潯。

雁字

載飛載下界塵寰金掌秋高新月彎  
格磔禽言通幾字  
模糊鳥篆印千山  
寫來雲漢空青色  
題徧江湖落葉間  
午夜銜蘆工點綴  
晴空隨意任爛斑

瘞鶴籠鵝體不乖  
長空尤喜擘窠排  
劃沙透爪疑垂翅  
畫日梳翎想折釵  
黯淡秋江真拓本  
縱橫晴雪舊生涯  
世間贗鼎知多少  
古壁橫斜篆笑蝸

端陽悶雨贈鹿仙

風雨端陽節萍蓬旅客愁  
一家羈鵠渚四度看龍舟  
且耐泥塗辱

是日荷參歸  
衣履盡溼

能無襌襪羞蒲觴  
聊盡醉行止

問江鷗

劉幹臣

維楨

軍門寓書並寵以詩依韻奉答

慕韓雖早識荆遲為效松齋急訪支別後傳書魚腹遠  
詩中有畫虎頭癡苔岑臭味聯今日鐘鼎勲名冠一時  
儒將風流當代重皇華四牡載驅馳

幹臣統領忠義全軍紀律嚴明再疊前韻奉贈

當年周道賦逶遲手障狂瀾一力支橫掃蠻軍供睥睨  
苦吟驢背笑欬癡高樓修鳳超流輩畫閣圖麟待異時  
競喜將軍天上落堂堂八陣雨風馳

讀幹臣梅花詩鈔三疊前韻

梅落江城五月遲年年鶴守俸頻支巡檐快索詩人笑  
訪豔渾同處士癡對酒當歌屯甲地暗香疎影據鞍時  
一枝為寄春消息付與紅塵驛使馳

重修正覺寺幹臣允捐金以成善舉四疊前韻

新栽低樹著花遲歡喜因緣證辟支渡海登航知佛普

沿門打鉢笑僧癡曾經面壁三年久余寓與正覺寺僅隔一牆募修之志

三載乃償已是為山九仞時試上鶴樓望江北飛蛺應共羽

書馳

題王樂山明府暨理齋貳尹忠孝錄

黃巾十萬梗豺狼問道崎嶇達武昌捧檄何曾辭險阻  
登陣誓與共存亡靈鍾星嶽生非偶氣壯山河死亦香  
悽絕烏鳶紛啄肉竟無馬革裹沙場

元龍湖海氣如虹下筆千言倚馬雄教習后夔趨

闕北

公曾充左翼宗學教習

能文韓洎噪江東

紫陽正誼兩書院課藝所選公作極

多一生言行資坊表兩字綱常懍孝忠取義成仁完大

節元精耿耿貫蒼穹

鄂渚招魂淚未乾英靈縹緲葬衣冠觸體血染千燐碧



霄漢心懸一寸丹  
夜月騎鯨吳水濶  
春風控鶴楚天寒  
年年鸚鵡洲邊草  
杜宇啼時聽更酸

大府交章籲

九重頭銜疊晉大夫封  
所生無忝兒

能夠視死如歸僕亦從  
正氣長留六信國  
孤忠不媿段司農  
溫綸五色專祠赫俎豆  
馨香百代宗

咏物雜感十二首

大暑後二日炎歊逼人  
百感交集借小園花木  
十數種各賦一詩  
蓋三百篇之比興體也

本來仙骨自珊珊  
五色花從夢裏看  
一自董狐存直筆

千秋妍佞膽猶寒

木筆

花閒月浸一池波到眼迷離認欲訛我學尼山心惡紫  
從來間色奪朱多紫薇

風雨湘江弔汨羅美人芳草奈愁何好紉香佩臨秋水  
未讀離騷恨已多

湘蘭

滿架濃陰雨乍晴牽來補屋綠縱橫卻嫌葉底多纏轉  
不斬枝柯總不清

藤蘿

高枝百尺夜眠琴葉底孤蟬杳莫尋縱是繫餘留尾在  
人生能得幾知音

梧桐

亭亭風格小山孤辣性同薑老更腴金粟滿園休闕  
防他薏苡謗明珠

桂花

仙柯不改四時青暑往寒來歲幾經歷盡風霜兼雨雪  
羞隨凡卉望秋零

冬青

參天鐵幹聳千尋風雨深山孰賞音松竹梅花三友在  
與君同話歲寒心

古柏

碧紗窗外午陰稠舒卷如雲氣欲秋昨日聽風今聽雨  
惱人多半是離愁

芭蕉

金屋藏嬌願未灰寒梅聘得一枝來仙姿不怕梨花壓

紅燭高燒睡醒纔海棠

葉葉青如萬選錢  
嫣然初日映花妍  
怪他打鴨偏多事  
驚起鴛鴦不敢眠

池荷

千畝橫胸不染塵  
虛心直節兩無倫  
坐中佳士曾餘幾  
對此真慚肉食人

新竹

次金眉生

安清

都轉見贈原韻卽席答賦

風味寒酸野菽麤  
勸君漫賦東歸圖  
世無知己非關傲  
家有藏書足自娛

君有乞食餘錢尚買書之句

曲澗難容湖水濶

羣山皆小一峯孤  
古來管鮑曾餘幾  
危者能持顛者扶

昔年王事獨賢勞未肯聲名挫一毫當代名卿誰伯仲  
從來造物忌英豪胸襟雪亮明如月舌本瀾翻幻似瀾  
愧我不才傷老大手搔兩鬢感霜毛

贈何白英再疊前韻

傀儡登場面目麤年年空看選官圖得來餽粥談何易  
除卻琴書意罕娛膠漆互投交最摯駉蛩相倚道非孤  
浮沈宦海茫無岸賴有同舟手共扶

辛苦持籌兩載勞寸衷坦白判分毫羣賢滿座心情洽  
老將登壇氣象豪異地雲停聯縞紵一江風靜息波濤

頻叨下問虛前席不鄙芻蕘等蝟毛

贈金眉生三疊前韻并柬白英鹿仙

愧我樗材情性麤頻年慣作卧遊圖離情梓里滄桑感  
楔事蘭亭視聽娛遲我論交三徑暮從君問字一燈孤  
欣逢舊雨兼新雨雄辨高談兩蠶扶

謂君與白英觀察

海內名流屬望勞萬言倚馬快揮毫功名坎坷心能降  
事業英多氣亦豪何幸謝任交范泰相逢嵇阮憶山濤  
余與白英鹿仙三人南陽雖好休高卧會待絲綸賁鳳

公  
毛

眉生時將東歸四疊前韻贈別

橫掃千軍膽力麤毫端書就練裙圖

題古墨蹟及戚少保手卷

煙雲

過眼都如寄經籍羅胸足自娛漢上題襟三友在

白英鹿仙

與余皆浙人也

雲端望月一輪孤招涼幸有綠天陰花影滿身

雙袖扶

遨遊湖海竟忘勞夢筆花生五色毫論事畧如同甫策  
高吟不讓謫仙豪襟懷高曠雲間鶴氣概恢宏海上濤  
今日魂銷江渚柳一帆風順遇鴻毛

退補齋詩存目錄

卷十四

今體詩

己巳重修鄂垣正覺寺落成誌感

四首

病中口占

三首

何小宋方伯由楚北調授晉藩作此贈別

四首

丁卯冬張子衡方伯赴甘泉任道出鄂江以鐵瓶

詩鈔見贈次年冬養疴歸里復過鄂又贈新詩

一卷作此奉贈

二首



長至日待漏敬賦

思親疊前韻

憶友再疊前韻

訓子三疊前韻

次王子壽比部見贈原韻卻寄

已故王樂山太守入祀江夏專祠並其子變僕人

丁貴吳福壽附祀

四首

孟春杪正覺寺新栽楊柳車竹君廣文賦詩見贈

卽次原韻奉答

四首

和漁叟正覺寺種柳原韻並東王若農觀察

二首

和白英觀察餞春首唱原韻

疊前韻贈張鹿仙

再疊前韻贈彭漁叟

三疊前韻簡漁帆白英鹿仙諸公

荷花生日

二首

午日和彭漁叟五月菊

擬李白玉階怨

擬李端拜新月

擬劉長卿彈琴

擬賈島尋隱者不遇

題汪蓉垞徵士山水冊頁

四首

蟬

螢

蝸

蛾

張粵卿尚書贈詩索和謹步原韻奉答

長安秋夕

他鄉七夕 二首

漢陽門

原詩十首  
今存其五

平湖門

望山門

賓陽門

忠孝門

催菊 四首

和白英觀察晚步長春園訪菊原韻

小春望前四日與白英觀察邀張月卿制軍曹穎

生中丞彭漁帆袁蓮峯兩觀察在紫藤仙館賞

菊暢叙甚懽漁帆首唱索和謹步原韻奉酬

阮賜卿太守解組歸揚詩以送之用漁叟原韻 三首

退補齋詩存卷十四

今體詩

永康胡鳳丹月樵

己巳重修鄂垣正覺寺落成誌感

浮屠高七級土木及時興  
幾見人成佛翻疑我作僧

寺住持無人此次募修余實倡之世經千劫火人拜九華燈

時逢七夕聽殿宇初成

到梅花笛登樓鶴共乘

法象默經去沙門聖教興

借寺宇為書局校對員紳及手民二百餘人均僦居焉

讎書欣得士托鉢苦無僧  
院靜風吹鐸天高月作燈

恆河沙數滿利用貴相乘

萬丈圓光徹儒興佛亦興皈依先孔聖物色幾詩僧

招欲

僧之能文者住持其中以供香火

地曠難為屋宵長未滅燈

殿兩旁構瓦屋數十

間廟門外因緣香火結悟道入三乘

又放光明界滄桑百感興同心擎衆力不脛走諸僧獼

祭書千卷

局中書籍堆積

蛩吟秋一燈須知儒釋道三教本同

乘

病中口占

初秋六日

刀圭何處覓良醫瘦減腰圍祇自知莫向青囊尋祕術

垂簾靜坐讀唐詩

連日摘錄唐詩籍以自遣

懶著烏靴懶著衣連朝無事掩雙扉滿園秋色花都瘦

惟有幽蘭蕊正肥

相好頻來存問良可感也

二豎年年作祟頻停車久未出城闌卻因我病思民病

安得山窮救溺人

今年水患甚鉅貧民被難者絡繹來城思之慘然

何小宋方伯由楚北調授晉藩作此贈別

滔滔江漢擁旌旗十部棠陰溢口碑義粟仁漿都被澤

昨因鄂中患水詳請奏頒帑銀三十萬為賑飢修隄之用預發倉穀數千石以食餓者

清風明月

本無私

總理各局不參以私惟公能生明也

鼎鐘績懋期千古琴鶴裝輕

懔四知白叟黃童遮道拜攀轅競祝去遲遲

驪歌忽唱楚江濱  
幾載同舟笑語親  
酒殘吟瓢懷舊侶  
謂心泉鹿仙諸君  
南船北馬困勞人事  
能安命庸非福交到忘

形始見真遠送星軺從此去  
更誰為我指迷津

萍泛江城四載餘  
營巢聊借拙鳩居  
粗疏情性同頑石  
落拓形骸類散樗  
賴有詩書敦舊好  
難忘梁棟庇吾廬  
心心相印冰壺皎  
讓水廉泉共一渠

風雨長途渺太行  
那堪握別賦河梁  
同心不改松筠操  
忠告何殊藥石良  
此後書勞蘇武帛  
從今座冷令公香  
淚痕和墨悤悤寫  
珍重臨歧勸一觴

丁卯冬張子衡

岳齡

方伯赴甘泉任道出鄂江以

鐵瓶詩鈔見贈次年冬養疴歸里復過鄂又贈  
新詩一卷作此奉答

回憶高軒過敝廬嶺梅明月帶花鋤西征一棹忽忽去  
難忘風塵識面初

厭聽淒清塞上笳勞勞王事感年華歸來琴鶴堪娛老  
更有新詩燦筆花

冬月初十日正覺寺禮佛圓光次前落成原韻

諏期逢吉亥寶相煥然興自笑雲游客相招劫外僧蓮

衣蓮



住西湖靈芝寺二十年因浙遭兵燹避地湘南又天開  
八年矣今欲歸武林道出鄂渚留之為本寺衣鉢

黃道日月映白蓮燈風雨停今夕因緣結上乘連日陰寒特甚

至是日天氣晴和晚復月明如晝次日又雨未必非佛光之擁護也

祭戟遙臨地威儀肅拜興是日撫藩臬以次齊集拈香班聯香案吏

掌合白頭僧蓮衣年已七十有四月醉尊中酒風寒殿上燈菩提

空色相無垢即真乘

圓光徵佛力世運際中興證果同三教吟詩得一僧恨

銷千劫火書讀十年燈莫戀西湖好仙槎快意乘

長至日待漏敬賦

班聯鄂渚集

丹除葭管春回大地初更漏丁東三

五夜星河咫尺

九重居風侵袍袖香煙細夢憶觚

棱

御柳疏一樣朝儀同舞蹈會陳荆楚太平書

思親疊前韻

瞻拜宗枋手被除水源木本溯生初坊題八烈承先德

堂號三新守舊居

三新堂七十餘楹先夫道光十五年建造

大揚顯敢誇

丹誥渥恩勤空望白雲疏一經世守鄉賢訓猶憶趨

庭課讀書

憶友再疊前韻

不慣寒暄拙未除吾行吾素返吾初半生文字疑同析  
一室芝蘭樂共居須識交情真見淡豈無忠告數斯疏  
盼他驛使通芳訊萬里梅花附尺書

訓子三疊前韻

倏忽韶華日月除冬來又屆一陽初好勤蛾術珍駒隙  
漫戲豬奴曠燕居盼爾雲程千里遠防他風味一燈疏  
硯田無稅兒知否努力芸窗讀父書

次王子壽比部見贈原韻

大文緯史又經經著作千秋筆不停蓋代鴻名高北斗

照人雅度豁南溟荆臺化被尼山雨君主講荆南書院萱閣暉

延寶婺星

太夫人年逾九十精神康健

為勸先生加一飯捷書報道

克涼陞

昨開探報甘涼一帶均已克復

已故王樂山太守入祀江夏專祠並其子燮僕人

丁貴吳福壽附祀

苾芬享祀妥英靈廟食千秋薦血腥如此功名真不朽  
傲他富貴享遐齡

死忠死孝一時俱卞壺泉臺侍卞盱兩箇奴星還報主  
臨危不肯惜捐軀

當年浩劫墮紅羊多少城亡人未亡若使與公同一死  
何愁俎豆不馨香

綸音優渥表精忠黃鶴樓邊廟貌崇毅魄英魂猶在目  
頡敎江漢振頽風

孟春杪正覺寺新栽楊柳車竹君廣文賦詩見贈  
卽次原韻奉答

梵宇新栽幾綠楊淡雲微雨漏斜陽劇憐廢寺荒涼久  
乞種濃陰護海棠

大殿後院海棠將開臺畔種以楊柳

移根恰遇孟春時努力滋培仗住持願索楊枝清淨水

傾瓶灑遍萬千枝

陰鋪竹嶼與松潭遇雨移花學劍南

放翁賦有移花遇雨今種柳後次日

適逢甘雨

漫謂甘棠留美蔭成林難似古優曇

原詩有移來便是召公棠

句之

山門佳氣鬱青葱綠柳扶疎閒碧桐

門外新種四柳兩桐

借問依

依緣底事照人青眼笑春風

和漁叟正覺寺種柳原韻並柬王若農觀察

數到花番廿四時丰姿摇曳繫人思濃陰移自王恭宅

管領春風第十枝

王若農觀察園中多柳樹乞取十株移種於寺之內外

曾種滇西十部棠飄然歸興鶴樓旁高情遠媲陶彭澤  
五柳應栽綠野堂

和白英觀察餞春首唱原韻

千金一刻惜韶光何處尋花殿衆香惱我心情鶯語老  
催人歲月馬蹄狂同舟共濟懷虛谷把酌相思寄醉鄉  
讀罷陽春甘避舍敢持寸鐵敵長槍

疊前韻贈張鹿仙

紫藤花下漏晴光暢敘幽情笑語香客至都為蘭氣合  
春歸莫學柳花狂君緣療病尋靈藥我每牢愁憶故鄉

佳節欣逢穀雨後試教茗戰鬪茶槍

再疊前韻贈彭漁叟

歸然衆望魯靈光展誦瑤編字字香歸詠好偕曾點樂  
幽居高寄接輿狂恰逢修楔開三徑何幸飛觥醉異鄉  
此日座中佳士滿何須竹種綠沈槍

三疊前韻簡漁叟白英鹿仙諸公

詩囊什襲發英光低首騷壇熱辨香雅集聊酣元亮飲  
豪吟不減謫仙狂相逢舊雨聯新雨久別家鄉作異鄉  
敢向文場爭勝負曳兵祇賸禿頭槍



荷花生日

暑雨連朝花事忙  
天教水國放晴光  
笙歌競奏橫塘曲  
風月消磨夏日長  
翠袖薰香穿蛺蝶  
紅衣對舞拜鴛鴦  
佳人雪得如船藕  
好作絲絲續命湯

回思畫舫泛西湖  
雲水鄉中錦繡鋪  
四壁名花香作障  
一莖仙掌露為珠  
粉紅圍座嬌如滴  
筍碧傳盃興不孤  
我自南船兼北馬  
芳辰幾度夢鳬趨

午日和彭漁叟五月菊

紫蝶黃蜂莫浪疑  
半生冷淡肯趨時  
少年幾輩誇新貴

佳節重陽許預支  
冒雨早消初伏暑  
傲霜猶賸去年枝  
秋來更有籬東菊  
除卻陶公總未知

擬李白玉階怨

深夜靜無聲  
獨立玉階畔  
明月入我懷  
未許旁人看

擬李端拜新月

彎彎眉月上  
整襟拜堂前  
低聲問素娥  
鴛鴦何時圓

擬劉長卿彈琴

高山流水調  
千載遇鍾期  
繫餘留焦尾  
能得幾人知

擬賈島尋隱者不遇

落葉滿空山林深人跡杳閒雲歸未歸數聲聞啼鳥

題汪蓉垞遠孫徵士山水冊頁

純羹鱸膾正思鄉風景憑誰話梓桑紙上潮聲喧萬馬

臥遊一夕到錢塘

內有錢江圖一幀摹寫夜潮  
汨汨有聲令人動故鄉之感

滿幅煙雲淡墨光毫端不減米襄陽漫嫌片羽流傳少  
賸水殘山十八章

玉軸牙籤萬卷儲無端浩劫付焚如 文瀾高閣今

何在卻喜君家得燼餘

清尊十載主詩盟餘事何妨畫得名寄語鯉庭勤護惜

摩挲手澤勝瑤瓊

蓉垞一門風雅所刻清尊集名作也林其子子用大令攜畫冊徵詩故及

之

### 蟬

一生惟飲露高潔世無爭忽起悲秋思偏驚旅客情斜陽千萬樹暮雨兩三聲不忍頻傾耳臨風百感生

### 螢

莫謂流光小黃昏帶雨燃依人終未熟著樹渺無煙花徑追涼地芸窗伴讀年雷塘傷往事十斛撒珠圓

### 蝸

兩角雄爭勝蠕蠕觸與蠻結廬形跼促粘壁勢迴環殼  
待腥涎滿泥留古篆殷升高徒自苦知進未知還

蛾

蠢爾輕生物偏來暮夜飛鏡中眉窈窕燈畔影依稀蹈  
火徒傷勇投明詎見機婆心釵正拔救汝仗閨幃

張粵卿凱嵩

尚書贈詩索和謹步原韻奉答

松柏森森施蔦蘿濃陰擁護滌煩痾儀型百辟人爭頌  
著述千秋永不磨天上星辰昭聞望中朝雅頌待賡歌  
倘教竟效東山臥其奈蒼生望若何

長安秋夕

銀河耿耿帶雲流  
涼夜天街憶舊游  
更漏聽殘燕市月  
杵碓敲碎鳳城秋  
書傳鴻雁三千里  
夢繞蓬壺十二樓  
安得揚鞭偕計吏  
隨將春色到皇州

他鄉七夕

支機石畔水中央  
一度相思一斷腸  
若使朝朝橋駕鵲  
何愁塵世有他鄉

浮家泛宅巧相於  
良夜團團樂有餘  
余於丙寅秋攜眷  
赴鄂今五載矣  
卻笑牛郎難免拙  
不攜織女渡河居

漢陽門

在省城西濱江

重門鎖鑰鬱崔嵬繞郭江聲吼怒雷漢水合流斜渡鳥  
朝陽纔過夕陽來

平湖門

在西

花隄十里草平蕪

平湖門在花隄畔

城外長江城裏湖一閘暗

通來去水輓轡聲轉浪花麗

自咸豐兵燹以後至今未開有一閘因時啓閉

望山門

在正南

巖岫參天萬笏齊雙扉返照夕陽西青山笑客忙如此  
城外年年送馬蹄

賓陽門

在正東俗名大東門

出東門去女如雲踏遍平疇草色薰薄暮歸來城半掩  
風流裙屐帶斜曛

忠孝門

與賓陽門毗連俗名小東門

藹然忠孝炳嘉謨名教全憑隻手扶兩字懸門標萬古  
怕人故意認模糊

催菊

風雨滿城花信遲漫教擊鉢賦新詩緣何蛺蝶頻窺豔  
恐負佳辰九日期



重陽未見白衣來莫向東籬酹酒杯縱使花奴敲羯鼓  
黃華有意不先開

醉飲淵明酒一壺秋風冷淡着花無欲從籬下探消息  
偏恨門前索欠租

番風廿四費評量老圃繁花色未黃不愛趨時偏愛晚  
故留高節傲羣芳

和白英觀察晚步長春園訪菊原韻

斜日三竿欲下時春生杖履步遲遲半林風月無聲畫  
滿幅琳琅絕妙詞曾學屈原餐永夕更邀陶令醉寒籬

由長春園回  
寓小飲而散

天留晚節超羣卉不讓瑤臺第一枝

小春望前四日與白英觀察邀張月卿制軍曹鎮  
生中丞彭漁帆袁蓮峯兩觀察在紫藤仙館賞  
菊暢敘甚懽漁帆首唱索和謹步原韻奉酬

擁簪開門客到遲  
銜盃同醉菊花時  
曠懷歸老追彭澤  
佳句逢人說項斯  
杖履相從三徑晚  
風霜久鍊兩心知  
忘年容我師兼友  
幾度推敲月下詩

阮賜卿福

太守解組歸揚詩以送之用彭漁帆廉

訪贈行原韻

五年同宦武昌城忽唱驪歌送客行  
莫笑歸裝太蕭索風流琴鶴一船輕

憶昔平山載酒游買隣何日共歸休  
思量廿四橋邊月占盡江南第一州

別君太速識君遲珍重臨歧互贈辭  
君宦楚北二十餘年余自丙寅來鄂  
始晤君面算到歸期春有腳梅花閣上看花時